



**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

clxxx [i.e. i]. Generatio strictè est mutatio totius in totum nullo sensibili  
remanente ut subjecto eodem.

---

[urn:nbn:de:hbz:466:1-71607](#)

cum potentiam, quâ producit aliquid in tempore, semper habuerit, et si ab ea semper non processerit effectus, quem semper esse conjunctum causæ primæ ob rationes supra positas repugnat, qualiter eum esse cù causa temporali secunda, non repugnat. Neque omnipotentia Dei hinc dicitur æterna, quod illi ab æterno potuerit effectus aliquis coexistere, sed quia ipsa ab æterno fuit, potueritq; semper priùs & priùs producere effectum.

## DISSERTATIO XVII.

### *De Generatione & Corruptione.*

I. **G**ENERATIO substantialis absolutè & in genere spectata, est productio compositi substantialis dependenter à materia materialiter causante formam & unionem, vel solam unionem substantialem. Generatio Aristotelica, sive quæ ordinariè & viribus naturæ sit, est *mutatio* (intellige causalis) *totius in totum* (id est, unius compositi in aliud compositum substantiale, non quod per generationem ordinariam omnes compositi præcedentis partes destruantur, sed quod

quod per illam ex materia remanente cum  
adveniente nova forma novum constituatur  
compositum ) nullo sensibili remanente ut  
subjecto eodem : id est , non remanente priori  
composite ; hoc enim totum est subjectum  
denominationis, & quod per accidentia de-  
nominatur sensibile. Talis generatio non est  
transubstantiatio , per quam substantia panis  
transit in substantiam corporis Christi , &  
quam speciebus corruptis, corpus Christi desi-  
nit esse ibi, & eo desinente à Deo creatur no-  
va materia, ex eaque pro eodem tempore edu-  
citur V.G. forma vermis ; quia hæc non est  
transitus præexistentis & remanentis mate-  
riæ ab una forma ad aliam. Similiter talis  
non est mutatio accidentalis , in qua manet  
idem subjectum, non tantum in hæsionis, sed  
& denominationis. Item ea, quam Deus ma-  
nente forma ligni unita materiæ, ex eadem  
materia educeret formam ignis ; & quam ex  
materia existente absque omni forma educe-  
ret formam aliquam ; nullum enim in iis cor-  
rumperetur subjectum. Illud hic observan-  
dum , quod generatio sic definita non satis  
distinguatur à creatione , etsi hæc ab Arist.  
dicatur ignorata ; si enim crearet Deus for-  
mam

mam & unionem, adhuc esset verus transitus materiæ à non esse formæ unitæ seu à privatione formæ ad formam. Consistit hæc generatio, tam respectu hominis, quam rerum aliarum in eductione unionis; hac enim posita, formaliter & ita resultat compositū, ut ne quidem divinitus impediri possit, sicut Deus positis alterationibus materiam disponentibus, immo educētā jam formā impedire potest, ne fiat compositum.

II. Generatio propriè viventis à vivente (qualis hic non censetur ea, quâ vivens, v.g. mus ex putri generatur à Deo) est origo viventis à vivente, coniunctio in similitudinem naturæ: id est, est productio seu processio (sive ea sit causalitatis, qualis est generatio viventis creati, sive nō, qualis est generatio Verbi) procedens à vivente, quod, si immediate per se ad productionem animæ vel unionis nō concurrat, aut materiam, ex qua educatur anima & unio vitaliter suppeditet, eandem ad minimum vitaliter elaboret, necesse est; qualiter adhuc plantæ semina elaborant, etsi ea deinde vitaliter à se non decidunt & terræ mandent: quod quia non fecit Deus, dum tulit costam Adæ, formavitque ex ea Ewam, genitor illius

dici